

# Արաիեստ

ISSN 2579-2571

Մանկական քրիստոնեական ամսագիր

6+

1/2021

**ՀԱՅՏԱՌՈՒԹՅԱՆ  
ԳԱՂՏԱԻՔԸ**

ԷԳ 7

**ԿՐՏԻ ԱՒՐՈՒՆ  
ԱԿՍՆՁՆԵՐԸ**

ԷԳ 22

**ՕՐԱՅՈՒՆ  
«ՄՈՒԹՔ 30 ՕՐ»**

ԷԳ 16







□□□□□□□□



□□□□□□□□

Դասավորի՛ր կենդանիների անունների առաջին տառերն ըստ հերթականության և կիմանաս ամսագրի այս համարի թեման:



□□□□□



□□□□



□□□□□



□□□□□□□□



□□□□□□



□□□



□□□□□



□□□□□□□



□□□□



□□□□□□□□








Այո, Աննա՛: Եվ ասեմ, որ այս մեկն ամենադժվարն է, հատկապես՝ երբ մեզ այնքան չարաճճիություններ են կանչում:

Արա՛մ, իսկ դու արդեն վերծանե՞լ ես, թե ինչ ենք սովորելու «Արահետ»-ի այս համարում:









# ՈՐՈՎՔԵՏԵՎ ՍԻՐՈՒՄ ԵՄ

– Անի՛ , – ասաց մայրիկը  , – գնա՛  լվա և  փոխի՛ր: Այն ամբողջովին  է:

– Բայց,  ... ինչո՞ւ լվանամ  և փոխեմ  : Չէ՞ որ ես վաղը նորից  եմ լինելու, պատասխանեց  :

– Մի՛ վիճիր, այլ հնազա՛նդ եղիր: Չէ՞ որ եթե դու ինձ  ես , ապա կանես այն, ինչ ես քեզ խնդրում եմ:

– Լավ,  , – պատասխանեց  :

 լվանալուց ու  փոխելուց հետո  ցանկացավ  դիտել:


–  , մինչ  դիտելը, հավաքի՛ր քո  :

–  , բայց ինչո՞ւ հավաքեմ  , եթե վաղը նորից խաղալու եմ և թափեմ  :

– Եթե դու ինձ  ես, հնազա՛նդ եղիր:

– Լավ,  :



 հավաքելուց և  դիտելուց հետո



 սովաճացավ:

–  , – ասաց  , – կարելի՞ է ես  :

– Բայց  , – ասաց  ժպիտով, –

ինչո՞ւ  , եթե դու վաղը նույնպես սոված ես լինելու:

– Խնդրո՞ւմ եմ,  , – ասաց  և ժպտաց:

– Դե իհարկե,  : Չէ՞ որ ես քեզ  եմ :



Տատյան Կոտեցկայա

արտ. թիվ 1/21

# ՄԻՍԻՈՆԵՐՆԵՐԸ




ՊՈՂՈՍ ԱՌԱՔՅԱԼ

Համբարձվելուց առաջ Հիսուսը, հավաքելով իր աշակերտներին, ասաց. «Ամեն իշխանություն ինձ է տրված՝ երկնքում և երկրի վրա: Ուրեմն, գնացե՛ք ու սովորեցրե՛ք բոլոր ազգերին՝ նրանց մկրտելով Հոր և Որդու և Սուրբ Հոգու անունով: Սովորեցրե՛ք նրանց, որ պահեն այն ամենը, ինչ ես ձեզ պատվիրեցի: Եվ ահա ես ձեզ հետ եմ ամեն օր, մինչև աշխարհի վերջը»: Եվ նրանք գնացին ու քարոզեցին: Առաջիններից մեկը, ով կատարեց մեծ հանձնարարությունը, Պողոս առաքյալն էր:

Ես Պողոսն եմ՝ Հիսուս Քրիստոսի առաքյալը: Մերում եմ Իսրայել ժողովրդից՝ Բենիամինի ցեղից: Ես հրեա եմ: Բայց այն ամենը, ինչ ես ձիշտ էի համարում Մովսեսի օրենքով, հիմա, հանուն Քրիստոսի, ոչինչ եմ համարում: Հիմա ես աշխատում եմ ավետարանել ոչ այնտեղ, որտեղ արդեն հայտնի է Քրիստոսի մասին, այլ այնտեղ, որտեղ Նրա մասին դեռ չեն լսել:

Տերը երկրի վրա ստեղծեց եկեղեցին: Անցան հարյուրամյակներ, իսկ քրիստոնյաները դեռ նախկինի նման աշխարհ էին տանում Աստծո Խոսքը: Շոտլանդիա, XIX դարի սկիզբ: Այդ ժամանակ ծնվել է Դավիդ Լիվինգսթոնը, որը հետագայում ձանաչված միսիոներ է դարձել Աֆրիկայում:

Իմ անունը Դավիդ Լիվինգսթոն է: Ես ծնվել եմ Շոտլանդիայում 1813 թվականին, աղքատ ընտանիքում: Տաս տարեկանից ստիպված եմ եղել աշխատել գործարանում: Աշխատանքից հետո գնում էի դպրոց, և այնտեղ ամենից շատ ինձ դուր էր գալիս աշխարհագրությունը: Ես որոշեցի դառնալ միսիոներ և քարոզել այն վայրերում, որտեղ մարդիկ երբեք չէին լսել Քրիստոսի մասին: Իմ կյանքի երեսուն տարիները նվիրել եմ ավետարանչությանն Աֆրիկայում: Քարոզելուց բացի ես օգնում էի հիվանդներին ու կարիքավորներին, հետզհետե ավելի առաջ էի գնում՝ դեպի մայրցամաքի խորքերը: Տերը պաշտպանում էր ինձ վայրի գազաններից և այլ վտանգներից:



ԴԱՎԻԴ ԼԻՎԻՆԳՍԹՈՆ

Նույն դարը: Մերի Սլետոր: Տերն այս կնոջն ուղարկել էր ավետարանելու հեռավոր աֆրիկյան երկրներում:



ՄԵՐԻ ՍԼԵՏՈՐ

Ես Մերի Սլետորն եմ: Աֆրիկացիներն ինձ կոչում էին «սպիտակ մայր», որովհետև ես հոգ էի տանում նրանց համար: Ես Աֆրիկայում միսիոներուհի էի այն ժամանակ, երբ տեղի բնակչությունը դեռ ոչինչ չէր լսել իրական Աստծո մասին: Տերն ինձ համարձակություն էր տալիս Ավետարանը քարոզելու համար, այնպես որ նույնիսկ ամենադաժան աֆրիկյան ցեղերը խոնարհվում էին Հիսուս Քրիստոսի անվան առաջ և ընդունում էին Նրան որպես Փրկիչ: Այն ժամանակներում Աֆրիկայում ավանդույթ կար՝ սպանել ծնված երկվորյակներից մեկին, քանի որ համարվում էր, որ երկրորդ երեխան սատանայից էր: Ես այդպիսի երեխաներին վերցնում էի իմ պաշտպանության ներքո և դառնում էի նրանց մայրը:



Իսկ այժմ տեղափոխվենք ԱՄՆ: Դուայթ Մուդի: Աստված այս մարդուն նախապատրաստել էր Իր Խոսքը տարածելու համար: Հենց Մուդիի միջոցով էր Տերը եկեղեցիներ ու կիրակնօրյա դպրոցներ ստեղծում ԱՄՆ-ում և այլ երկրներում:




**ԴՈՒԱՅԹ ՄՈՒԴԻ**

Իմ անունը Դուայթ Մուդի է: Ես ծնվել եմ 1837 թվականին ԱՄՆ-ում: Ողջ աշխարհում ինձ ճանաչում են որպես ավետարանիչ և հրատարակիչ, բայց ես իմ կյանքը միանգամից չեմ նվիրել Տիրոջը: Երիտասարդ ժամանակ ես ուզում էի շատ գումար վաստակել և կարիերա ստեղծել: Տարիքի հետ ես հրաժարվեցի մեծ գումարներ աշխատելուց, որպեսզի ինձ լիովին նվիրեմ Քրիստոսին ծառայելուն: Տերն ինձ օժտել էր քարոզչի պարզևով: Որտեղ էլ ես ծառայություն անեի, իմ քարոզներին շատ մարդ էր գալիս: Ինձ հրավիրում էին ԱՄՆ-ի, Մեծ Բրիտանիայի և Իռլանդիայի տարբեր եկեղեցիներ: Տերն ինձ գործիք էր դարձրել Իր ձեռքում, և իմ քարոզներից հետո տասնյակ հազարավոր մարդիկ որոշում էին իրենց կյանքը Քրիստոսին նվիրել: Տերն ինձ թույլ տվեց մեծ գործ անել Իր համար:

Ջեյմս Հադսոն Թեյլոր: Այս մարդը ևս, լսելով Աստծո կոչը, արձագանքեց դրան: Նա իր կյանքը նվիրեց Ավետարանի քարոզչությանը Չինաստանում:

Իմ անունը Ջեյմս Հադսոն Թեյլոր է: Դեռ իմ ծնվելուց առաջ ծնողներս ինձ նվիրել էին Աստծուն: Մանկուց ես երազում էի դառնալ միսիոներ Չինաստանում, բայց քանի որ հաճախ էի հիվանդանում, ծնողներս արդեն հույս չունեին, թե դա կիրականանա: Սակայն տասնութ տարեկանում ես սկսեցի ժրջանորեն զբաղվել սպորտով, սովորել չինարեն և պատրաստվել այդ երկիր մեկնելուն: Այդ ժամանակ Չինաստանում պատերազմ էր: Մարդկանց մոտ լինելու համար ես ոչ միայն սովորեցի իրենց լեզուն, այլև ջանում էի նրանց նման լինել հագուստով, սանրվածքով և վարքով: Իմ կյանքի ամենամեծ գործը Ներչինական միսիայի հիմնումն էր: Ես նպաստում էի Չինաստանում քրիստոնեական եկեղեցիների բացմանը և ժողովրդի հոգևոր արթնությանը:



**ՀԱԴՍՈՆ ԹԵՅԼՈՐ**

Իսկ այս հատվածը դեռ ազատ է: Հնարավոր է՝ այն պատրաստված է քեզ համար: Գուցե, դու լսես Աստծո կանչը և արձագանքես դրան, ինչպես վարվեց Եսայիա մարգարեն. «Եվ լսեցի Տիրոջ ձայնը, որ ասում էր. «Ու՛մ ուղարկեմ, և ո՞վ կգնա մեզ համար». և ես ասացի. «Ահա ես, ի՛նձ ուղարկիր»»: Ուրեմն, գնացե՛ք ու սովորեցրե՛ք բոլոր ազգերին՝ նրանց մկրտելով Հոր և Որդու և Սուրբ Հոգու անունով: Ամեն:



# ԻՆՋԻՐ ՎՐԱ Է ԱՄԵՆ ՔԱՆ ՀԻՄՆՎԱԾ

Վարդենար Յորն



Արդյո՞ք թեզ ծանոթ է հին ասացվածքը. հնագանդությունը պասից ու աղոթքից լավ է: Այսինքն՝ ավելի կարևոր է: Մարդկանց համար դժվար է հնազանդ լինելը, լինեն նրանք երիտասարդ, թե ծեր, մեծ, թե փոքր: Բայց չէ՞ որ հենց հնագանդության վրա է հիմնված ամեն բան: Մեքենան մոտեցավ խաչմերուկին, իսկ լուսացույցի վրա կարմիր լույսն է վառվում: Արգելակեց: Պատկերացրու՛, թե մեքենան անցավ կարմիր լույսի տակով: Վարորդն անպայման վթարի կենթարկվելը, կամ ինչ-որ մեկին կհարվածեր: Այդ պատճառով մենք միշտ փողոցն անցնում ենք միայն կանաչ լույսի դեպքում, դրանից առաջ նայելով թե՛ աջ, թե՛ ձախ: Մեզ այդպես են սովորեցրել, մենք այդպես էլ անում ենք: Հենց սա է հնագանդությունը: Այն միշտ մեր անվտանգության համար է: Ընտանիքում նույնպես ամեն ինչ այնպես է, որ կրտսերներն ավագներին հնազանդվեն, քանի որ ավագները կրտսերների համար պատասխանատու են մարդկանց և Աստծո առաջ:

Իսկ որ Աստծուն մենք հնազանդվում ենք, դա հասկանալի է: Չէ՞ որ Նա ամեն բան գիտի: Եվ եթե Նա ասում է, որ չի կարելի ինչ-որ բան անել, ապա որովհետև գիտի. հենց մեզ համար վատ կլինի, եթե չհնազանդվենք:

Օրինակ, Աստված ասում է. «Մի՛ գողացիր»: Մենք որքա՛ն ենք տխրում, երբ ինչ-որ բան ենք կորցնում: Երիշտ չէ՞: Կամ Նա ասում է. «Լսի՛ր հայրիկիդ ու մայրիկիդ»: Եթե երեխաները ծնողներին լսում են, ապա ընտանիքում խաղաղ ու հանգիստ է, ուրախ ու ապահով: Իսկ եթե ինչ-որ մեկն անհնազանդ է, ապա միշտ մի բան պատահում է: Հետո հարկավոր է մտածել, հաշտվել, ներողություն խնդրել... Մի խոսքով՝ հնագանդությունը շատ կարևոր է:

Սակայն մենք բոլորս գիտենք, որ հնազանդ լինելն այնքան էլ հեշտ չէ: Միշտ ցանկանում ենք անել այնպես, ինչպես մենք ենք մտածում, կամ անել այն, ինչը մեզ դուր է գալիս և կարևոր է թվում: Ինչու՞ է այդպես: Որովհետև մարդիկ դրախտում գործել են առաջին մեղքը: Եվ այդ մեղքով ստեղծվել է անհնազանդությունը: Աստված ասել էր, որ Ադամն ու Եվան, առաջին մարդիկ աշխարհում, կարող են ուտել բոլոր ծառերի պտուղներից՝ բացի մի ծառից: Բայց նրանք անմիջապես ցանկացան հենց այդ ծառի պտուղը համտեսել: Այդ պատճառով էլ մեզ համար նույնպես այսօր հեշտ չէ հնազանդ լինել, թեև այն և՛ կարևոր է, և՛ օգտակար է, և՛ մենք գիտենք, որ դրա վրա է հիմնված ամեն բան:



Վերցրո՛ւ Աստվածաշունչն ու բացի՛ր Հոբի գիրքը և Դանիելի Մարգարեության գիրքը: Իսկ հիմա գտի՛ր այդ գրքերում հղումներին համապատասխան ճիշտ բառերը (փակագծերում նշված է, թե նախադասության մեջ թվով որ բառն է հարկավոր տեղադրել) և դրանցով կազմի՛ր Հոբի գրքում գրված մեկ այլ համար:

# «ՆԱԶԱՆԴՈՒԹՅԱՆ ԳԱՂՏՆԻՔԸ»

----- Հոբ 20.6(1)	----- Դան. 7.27(30)	----- Հոբ 19.1(3)	----- Հոբ 34.19(4)
----- Դան. 7.14(16),	----- Հոբ 21.8(1)	----- Հոբ 7.1(10)	----- Հոբ 36.11(8),
----- Հոբ 22.5(6),	----- Հոբ 10.5(10)	----- Հոբ 33.26(11)	----- Հոբ 36.11(12):

Կազմեց Թամարա Լամբրիանովան





# ՌԵՔԱԲԻՄԻ ՈՐԴԻՆԵՐԸ

Վաղդեմար Յորն

Սուրբ Գրությունները, որոնք մենք մեկ բառով կոչում ենք «Աստվածաշունչ», լի են հետաքրքիր պատմություններով: Դրանցում պատմվում է ժողովուրդների ու երկրների, զարմանալի մարդկանց մասին. իմաստունների, մարգարեների, թագավորների ու հերոսների մասին: Երանցից շատերի անունները մեզ ծանոթ են: Օրինակ՝ Աբրահամը, Դավիթը, Սողոմոնը և, իհարկե, Հիսուսն ու իր առաքյալները: Երբեմն աստվածաշնչյան պատմություններում և մարգարեական խոսքերում հանդիպում են հրաշալի պատմություններ մարդկանց մասին, որոնց անունները այնքան էլ հայտնի չեն: Այսօր ես կպատմեմ տարօրինակ ավանդույթներ ունեցող մարդկանց մասին: Երանց մասին պատմությունը դու կգտնես Երեմիա մարգարեի Գրքի 35-րդ գլխում:

Մի անգամ Աստված Երեմիա մարգարեին ասաց, որ նա գնա Երուսաղեմ քաղաք, Ռեքաբիմի որդիների տուն, և նրանց հրավիրի տաճար: Երեմիան այդպես էլ արեց:

Երբ Ռեքաբիմի որդիներն եկան տաճար, նա գավաթների մեջ գինի լցրեց ու դրեց նրանց առաջ: Երանք միաբերան հրաժարվեցին գինին խմելուց՝ ասելով.


«Մենք գինի չենք խմում, որովհետև մեր հայրը՝ Ռեքաբի որդի Հովնադաբը մեզ պատվիրել է՝ ասելով.

«Դուք և ձեր որդիները հավիտյանս գինի մի՛ խմեք: Տուն չշինե՛ք ու սերմ չցանե՛ք և այգի չտնկե՛ք...» Եվ իր բոլոր պատվերներում մենք հնազանդվում ենք մեր հայր,

Ռեքաբի որդի Հովնադաբի ձայնին»:

imr48 177





Հովնադարի ժամանակներից մինչ այն իրադարձությունները, որոնց մասին մեզ պատմում է Աստվածաշունչը, անցել էր ավելի քան երկու հարյուրամյակ: Եվ Աստված Երեմիա մարգարեին ասաց. «Քանի որ դուք հնազանդվեցիք ձեր հայր Հովնադարի պատվերին, նրա բոլոր պատվերները պահեցիք և նրա բոլոր հրահանգների համաձայն վարվեցիք, դրա համար Ռեքաբիմի որդի Հովնադարից հավիտյան իմ առջև կանգնող մարդ պակաս պիտի չլինի»:

Երեմիա մարգարեն հանդիմանում էր Հուդայի ժողովրդին՝ մատնանշելով Ռեքաբյաններին և ասելով. «Ահա, թե որն է հնազանդությունը: Իսկ Աստված ձեզ ասում ու ասում է, բայց դուք Նրան չեք լսում»:

Երեմիա մարգարեն շատ վշտացած էր, որ մարդիկ Աստծուն չէին լսում: Նա գիտեր, թե ինչ դժբախտություններ էին պատահելու Երուսաղեմին և դրա բոլոր բնակիչներին՝ իրենց անհնազանդության համար:

### Ի՞նչ ես կարծում.

1. Քանի՞ տարի էր անցել Ռեքաբիմի կյանքի ժամանակներից մինչ Երեմիա մարգարեի ժամանակները:
2. Ինչո՞վ առանձնացան Հովնադարի որդիները:
3. Արդյոք կարո՞ղ ես հիշել ամենաառաջին մեղքը, որի մասին պատմվում է Աստվածաշնչում:

Լարիսա Գրոտշկո



Մուհամմադ Կարիմ



# ԱՆԿՆԱԶԱՆԴՈՒԹՅԱՆ ՀԵՏԵՎԱՆՔՆԵՐԸ

Պատկ Ուայթ

Դաուդին՝ ջունգլիների բժշկի օգնականը, ձեռքը դրեց Մգոգոյի ուսին և ասաց.

– Եթե ցանկանում ես, որ շնիկդ լավ շուն մեծանա, պետք է նրան սովորեցնես հնազանդ լինել: Դա նրան միայն օգուտ կբերի: Նույնիսկ Նիանի կապիկը գիտեր այդ մասին: Ահա, լսի՛ր...



Մի անգամ Նիանին կանչեց իր ընտանիքի փոքրիկ կապիկներին: Բարձրացնելով ցուցամատը՝ նա այնպես նայեց նրանց, որ փոքրիկները լռեցին:




Նա ասաց. «Անհնազանդությունը վատ հետևանքներ է ունենում: Կա երեք կանոն, որոնք պահպանելով դուք անվտանգ կլինեք»:



Ցուցամատը վեր բարձրացնելով՝ նա արտասանեց. «Առաջին կանոնը. մի՛ կանգնեք զբերի հետևի ոտքերի մոտ:



Երկրորդը. ընձառյուծի հոտ առնելուն պես անմիջապես բարձրացեք ամենաբարակ ճյուղի վրա: Գիշատչի ստամոքսում հայտնըվելը հաստատ ծիծաղելի չէ:



Երրորդը. մի՛ նայեք օձի աչքերին: Եթե հիշեք այս երեք կանոնների մասին, կփրկեք ձեր կյանքը»: Նիանիին շնորհակալություն հայտնելով՝ կապիկներն ամենքը մի կողմ վազեցին:



«Ողջույն, Նիանի՛, – ասաց ընձուղտ Տվիգան, – որքան հիշում եմ՝ դուք ձեր ընտանիքում յոթ հոգի էիք»:





«Տխուր պատմություն է: Մեկը կանգնել էր զբերի հետևում, երեքը չէին նկատել ընձառյուծին, իսկ երկուսը նայել էին ուղիղ օձի աչքերին: Կենդանի մնացի միայն ես»:



«Իմաստությունը հաղթել է կապիկի խելքին»: «Չհասկացա», – ասաց Նիանին: «<Ենց այնպես, բարձրաձայն մտածում էի», – շփոթված պատասխանեց ընձուղտը:



Նրանք նստեցին՝ հսկելով փոքրիկ կապիկներին: Նրանցից երկուսը վազում էին դեպի մարգագետնում արածող զբերերը: Տվիզան աչքերը ճակատը թոցրեց, իսկ Նիանին ծանր հոգոց հանեց:



Նրանք նկատեցին երկնքում՝ կապիկների գլխավերևում ճախրող ուրուրին: Նիանին հոգոց հանեց. «Ուրուրը միշտ դժբախտության հոտը զգում է»:



«Ինչո՞ չի կարելի կանգնել զբերի հետևի ոտքերի մոտ», – հարցրեց փոքրիկ կապիկը: «Ծերուկը կարծում է, թե ամենախելացին է: Գնանք, իմանանք», – պատասխանեց քույրը:



Նրանք մոտեցան զբերին՝ չդարձելով քֆի տակ ծիծաղել: Զբերը ծամում էր խոտը՝ հետզհետե ավելի մոտենալով նրանց:



Այդ ժամանակ փոքրիկ կապիկներից մեկը բարձրացրեց փուշն ու ծակեց զբերին: Տվիզան ու Նիանին տեսան փոշու ամպն, ապա զետնին թոչող կապիկին:



Նիանին բռնեց գլուխն ու կանչեց Պիլիին, որը հասկանում էր բժշկությունից: Մյուս կապիկը սարսափահար փախավ հորեղբոր մոտ:



«Անհնազանդությունը վատ հետևանքներ է ունենում», – ասաց Նիանին: Այս խոսքերի ճշմարտացիությունը հաստատվեց մինչ արևի մայր մտնելը:





Հանկարծ Տվիգան ընձառյուծի հոտ առավ: Փոքրիկ կապիկներն անմիջապես բարձրացան ամենաբարձր և ամենաբարակ ճյուղերի վրա: Ընձառյուծը ցատկեց ծառի վրա և բարձրացավ վեր:



Նա բացեց երախը և լսատեց բերանը՝ կանխազգալով համել ընթրիքի համը: «Պի՛նդ բռնվե՛ք, – բացականչեց Նիանին, – նա ձեզ չի հասնի»:



Ընձառյուծն ահարկու մոնչաց՝ վախեցնելով կապիկներին: Նիանին շարունակում էր գոտեպնդել. «Մնացե՛ք ձեր տեղում, ամեն ինչ լավ կլինի»:



Նիանին բառբաբի պտուղներ էր նետում գիշատչի վրա: «Հնազանդությունը պարզևատրվում է», – բացականչեց նա, երբ ընձառյուծը կորավ ջունգլիների խորքում:



Մինչ բոլորն ուրախանում էին հրաշալի փրկության համար, Տվիգան ինչ-որ շարժ նկատեց մեծ քարերի մոտ:



«Նիանի՛, – բացականչեց Տվիգան, – հարկավոր է շտապ ինչ-որ բան ձեռնարկել: Փոքրիկներից մեկը նայում է ուղիղ պիթոնի աչքերին»:



Նիանին վազեց դեպի վայր: Նա բարձրացավ ժայռի վրա և նայեց ներքև: Օձը դանդաղ սողում էր դեպի զոհը՝ փոքրիկ կապիկը:




Նիանին ժայռից մի քար հրեց, որը վնասեց օձին: Նիանին անմիջապես ցատկեց ցած, վերցրեց փոքրիկին և բարձրացավ ծառը:



Իր հաղթանակից գոհ՝ նա հաղթական սուլեց: Երբ փոքրիկ կապիկը մի փոքր հանգստացավ, Նիանին ասաց.





«Հիմա դուք սեփական փորձով համոզվեցիք, որ հնազանդությունը պարզևատրվում է, իսկ անհնազանդությունը վատ հետևանքներ է ունենում»:

Փոքրիկ կապիկները համաձայնությամբ շարժեցին գլուխները և նայեցին այն տեղին, որտեղ դեռ երեկ նստած էր իրենց եղբայրը, որն ընկավ գերբի սմբակի տակ:

Նրանք մտածեցին և նորից գլխով արեցին: Սակայն Նիանին գիտեր, որ փոքրիկ կապիկների հիշողությունը նույնքան կարճ է, որքան ընձառյուծի համբերությունը:

– Նույնիսկ կապիկների համար է կարևոր հնազանդությունը, – ամփոփեց Դաուդին, – իսկ մարդկանց համար, որոնք ուզում են հայտնվել Երկնային Արքայությունում, կարևոր է հիշել, որ հնազանդությունը գլխավորն է այն ամենից, ինչ Աստված սպասում է իրենցից: Աստվածաշնչում գրված է. «Նա, ով ասում է, թե՛ ճանաչում եմ Նրան, բայց Նրա պատվիրանները չի պահում, ստախտս է, և նրա մեջ ճշմարտություն չկա»: Իսկ ով կատարում է Աստծո պատվերները, նա իր վարքով հաստատում է, որ սիրում է Տիրոջը: Հնազանդությունը դրա ապացույցն է:

Մզոգոն սուլոցով կանչեց շնիկին: Նա կանգ առավ, շրջվեց և, պոչը տարուբերելով, վազեց տիրոջ մոտ:

Դաուդին, Հովհաննեսն ու Մզոգոն իրար նայեցին և խրախուսական հայացքով գլխով արեցին:

– Հիշի՛ր, – ասաց Դաուդին Մզոգոյին՝ շոյելով քթթփին, – Հիսուսը ևս ասել է. «Եթե սիրում եք ինձ, պահե՛ք իմ պատվիրանները»:

Շարունակելի...



Յուլիա Պրավդինին

# ԿԵՆՏՐՈՆԱԿԱՆ ՄԵՆՈՒՉ ԼԵՉՈՒ, ԿԱՄՔՈԶԱ



Բլից փաստեր Կամբոջայի մասին.

Բնակչությունը.

**16 245 729**

Հիմնական լեզուն.

**ԿՀՄԵՐԵՐԵՆ**

Հիմնական կրոնը.

**ԲՈՒԴԴԱՅԱԿԱՆՈՒԹՅՈՒՆ**

Լեզուների թիվը

**26**

Այն լեզուները,

որոնցով թարգմանված չէ

Աստվածաշունչը. **10**

որոնցով Աստվածաշունչը

թարգմանված է մասամբ. **3**

որոնցով թարգմանված է Նոր

Կտակարանը. **2**

որոնցով թարգմանված է ողջ

Աստվածաշունչը. **11**

## Իսկ դու գիտե՞ս

Կամբոջայում արևադարձային կլիմա է: Տարվա մեծ մասը երկրում անձրև է գալիս: Երբ Ասիայում սկսվում է տեղատարափ անձրևների շրջանը, ջրով են ողողվում երկրի մեծ տարածքներ: Մեկնոճ գետը անձրևների շրջանում այնքան ջրառատ է դառնում, որ մոտակա դաշտերն ամիսներ շարունակ ջրով է ողողում (տարվա մեջ չորսից յոթ ամիս): Դա ջրի շատ մեծ քանակություն է:

Կամբոջայի տեսարժան վայրերից մեկը Անգկոր Վատ տաճարն է: Ավանդության համաձայն՝ այն կառուցվել է XII դարում՝ Սուրյավարման II թագավորի օրոք: Դրա ամենաբարձր աշտարակը ձգվում է 42 մետր:

Շուրջ 30 տարի է անհրաժեշտ եղել այդ հրաշալի շինությունը կառուցելու համար: Անգկոր Վատին հեռվից նայելու դեպքում կարող է թվալ, թե դա ընդամենը քարե պարզ շինություն է: Բայց մոտենալով կտեսնես, որ այն կազմված է բազմաթիվ աշտարակներից, սյուներից, պատշգամբներից և ներքին բակերից: Պարզապես զարմանալի է:

Սակայն վերադառնանք Կամբոջայի մասին այլ փաստերի: Երկրի հիմնական լեզուն կիմերերենն է: Գրեթե բոլոր տեղացիները խոսում են այդ լեզվով: Կամբոջայում մարդկանց մեծամասնությունը բուդդայական է (Ասիայի հիմնական կրոնը): Ասիայի շատ երկրներում շատ վտանգավոր է քրիստոնյա լինելը: Նախկինում այդպես էր նաև Կամբոջայում:

Մեկնոճ գետը



ԱՐՄՈՒՄ 1/21



Բայց այսօր մարդկանց թույլատրված է հավատալ նրան, ինչին իրենք ուզում են և պատմել մտերիմներին Հիսուսի մասին: Աստվածաշնչի գրքերից շատերը արդեն թարգմանված են Կամբոջայի լեզուների մեծ մասով: Այդ թվում և 70000 մարդու համար, որոնք խոսում են կենտրոնական մնունգ լեզվով: Դու կարող ես աղոթել, որ ավելի շատ մարդ հավատա Հիսուսին և կարողանա իր մտերիմներին պատմել հրաշալի լուրն այն մասին, որ Աստված սիրում է իրենց:

## Դու կարող ես աղոթել...

Նոր Կտակարանի կեսից ավելին արդեն թարգմանվել է մնունգ լեզվով և 1000-ից ավելի գրքույկ է վաճառվել Սուրբ Գրքից վերցված հատվածներով: Մարդիկ սկսում են կարդալ Աստվածաշունչը և փառաբանական երգեր են գրում իրենց մայրենի լեզվով: Դու կարող ես աղոթել, որ թարգմանիչներն ավարտեն Նոր Կտակարանի վրա աշխատանքը և որ բազմաթիվ մարդիկ Կամբոջայում իմանան Աստծո մասին: Դու կարող ես աղոթել նաև, որ այդ երկրի ժողովուրդը բավականաչափ սնունդ և հագուստ ունենա, որ Աստված հոգա նրանց համար:



ԱՐՄԱՆԱԿ 1/21




# Աղուբեր 30

## ՕՐ

«Աղոթք անելիս ինչ որ ինրորեք, հավատացե՛ք, թե կստանաք ու կտրվի ձեզ»  
Մարկ. 11.24

**1**

Կարդա՛ աստվածաշնչյան հատվածը. Ղուկ. 11.1-2: Աղոթքով փառաբանի՛ր Աստծուն:



**2**

Կզգմի՛ր լավ դեպքերի ցանկ, որոնք վերջերս տեղի են ունեցել քո կյանքում կամ կատարվում են հիմա: Շնորհակալություն հայտնի՛ր Տիրոջը դրանց համար:

**3**

Միասնական աղոթքի համար ընկե՛ր գտիր:



**4**

Կարդա՛ աստվածաշնչյան տեքստը. Ես. 9.6: Ընտրի՛ր Աստծո անուններից մեկը և այսօր կրան այդ անունով դիմիր:



**5**

Աստծուն հա՛րց գրիր: Աղոթի՛ր, որ Նա քեզ պատասխանի:



**6**

Կարդա՛ «Հայր մեր» աղոթքը (Մատթ. 6.9-13) և այն անգի՛ր սովորիր:




**7**

Աղոթի՛ր ամբողջ աշխարհում հավաճաբանել կրող բրիստոնյաների համար:



**8**

Աղոթի՛ր Աստվածաշնչի թարգմանիչների համար:



**9**

Մեզ նամա՛կ ուղարկիր հետևյալ հասցեով – [arabefarm@yandex.ru](mailto:arabefarm@yandex.ru) Պատասխան նամակում մենք քեզ կգրենք միսիոների անուն, որի համար դու կարող ես աղոթել:

**10**


Աղոթի՛ր քո մայրիկի համար: Երան նամա՛կ գրիր: Ասա՛, թե ինչու ես դու նրան սիրում և ինչի համար ես շնորհակալ իրեն:

**11**

Ուշադիր նայի՛ր հայելուն: Ի՞նչ գույնի են քո աչքերը: Շնորհակալություն հայտնի՛ր Աստծուն նրա համար, որ Նա քեզ այսքան հիասքանչ է ստեղծել:

**12**

Կարդա՛ աստվածաշնչյան հատվածը. Հոռն. 8.15-16: Ի՞նչ է նշանակում «Աբբա» բառը: Աղոթքում Աստծուն «հայր» անվանիր:





**13**

Աղոթի՛ր քո հայրիկի համար: Աշխատանքից հետո հարցրո՛ւ նրան, թե ինչով է այսօր զբաղվել և ինչպես է անցել նրա օրը:



**14**

Գրի՛ր դպրոցի բոլոր ուսուցիչների անունները: Աղոթի՛ր նրանցից յուրաքանչյուրի համար:



**15**

Իմացի՛ր, թե ինչպես է կոչվում քո եկեղեցին և ինչու են այն այդպես անվանել: Աղոթի՛ր քո եկեղեցու համար:

**16**

Նայի՛ր հին ընտանեկան լուսանկարչական փլեմները: Աղոթի՛ր քո ընտանիքի ամեն անդամի համար:



**17**

Պատրաստի՛ր թխվածքաբլիթ (բարդրատոմսը 28 էջում է): Շնորհակալություն հայտնի՛ր Աստծուն համեղ կերակրի համար:



**18**

Այսօր աղոթի՛ր մեր՝ «Արահետի» թիմի համար, որ Աստված մեզ իմաստություն ու լավ գաղափարներ տա անսագրի համար:

**19**

Կազմի՛ր ամենամտերիմ ընկերներով ցանկը: Աղոթի՛ր նրանց համար: Եթե կարող ես, ապա հյու՛ր գնա այսօր նրանց, հաղորդագրություն ուղարկի՛ր կամ զանգահարի՛ր:

**20**

Արդյոք գիտե՞ս, թե ինչ է քո երկրի նախագահի անունը: Եթե ոչ, ապա իմացի՛ր: Աղոթի՛ր նրա համար, որ Աստված նրան իմաստություն տա:

**21**

Գնա դուրս և շո՛ւրջդ նայի՛ր: Ի՞նչ ես տեսնում: Շնորհակալություն հայտնի՛ր Աստծուն՝ իրաչափ ստեղծագործության համար:



**26**

Ինչի՞ մասին էր վերջին դասը կիրակնօրյա դպրոցում: Աղոթի՛ր կիրակնօրյա դպրոցի ուսուցիչների համար:

**27**

Կարդա՛ Սաղմոս 8-ը: Փառաբանի՛ր Աստծուն Իր մեծության համար:



**23**

Ինչի՞ մասին ես ամենից շատ երազում: Նկարի՛ր կամ նկարագրի՛ր երազանքդ թղթի վրա և աղոթի՛ր, որ Աստված իրականացնի քո երազանքը:

**22**

Աղոթի՛ր տատիկներիդ և պապիկներիդ համար: Զանգահարի՛ր կամ գրի՛ր նրանց:



**24**

Կարդա՛ աստվածաշնչյան համարը. Սաղթ. 7:7: Գրի՛ր առ այն քարտի վրա և անգի՛ր սովորի:



**30**

Հիշողությանը կարդա՛ «Հայր մեր» աղոթքը:



**29**

Շնորհակալություն հայտնի՛ր Աստծուն Հիսուս Քրիստոսի համար և նրա համար, որ Նա ներել է քո մեղքերը:











# ԽԹԱՆԻՆ ԱՔԱԿԻ ՏԱԼ

Վարվառա Նասոն

Դու երբևէ կով տեսել ես: Գուցե, ոչ մեկը, այլ մի ամբողջ նախիր: Երբ կովերը մարգագետնում արածում են, նրանք իրենց ազատ են զգում: Բայց երբեմն, երբ հարկավոր է նրանց գոմ քշել, նրանք չեն ուզում գնալ: Եվ նրանց դրան դրդելու համար հովիվներն օգտագործում են խթանը: Խթանը սրածայր փայտ է, որով քշում են կենդանիներին:

Երբ կովը չի ուզում հնազանդվել հովվին, նրան ծակում են խթանով: Երբ հարկավոր է, որ նա գնա դեպի ձախ, ծակում են աջ կողը, և ընդհակառակը: Կենդանին հատուկ խթանի կողմը չի գնա: Նա լսում է: Ինչու՞ ցավ զգա: Մարդիկ խթանն օգտագործել են դեռ վաղնջական ժամանակներում: Դրա մասին հիշատակում կարելի է գտնել նաև Աստվածաշնչում:

Կարդանք Գործք Առաքելոց գրքի 9-րդ գլուխը: Երբ Սավուղը գնում էր Դամասկոս քաղաքը, որպեսզի հալածեր քրիստոնյաներին, նրա ճանապարհին հանկարծ պայծառ լույս շողաց: Նա ընկավ գետնին ու մի ձայն լսեց. «Սավու՛ղ, Սավու՛ղ, ինչու՞ ես Ինձ հալածում»:

Սավուղը ոչինչ չհասկացավ և այդ պատճառով էլ վախեցած հարցրեց. «Ո՞վ ես Դու, Տե՛ր»: Եվ Տերն ասաց նրան. «Ես Հիսուսն եմ, Ում դու հալածում ես, – ապա ավելացրեց, – դժվար է քեզ համար խթանին արքացի տալը»: Իրոք, կարո՞ղ է մարդը պայքարել Աստծո դեմ: Չէ՞ որ Աստված անհամեմատ ավելի ուժեղ է:

Այդ տեսիլքից հետո Սավուղը կուրացավ: Նրան Դամասկոս հասցրեցին այլ մարդիկ: Այնտեղ Սավուղը կրկին սկսեց տեսնել ու սկսեց քարոզել Քրիստոսի մասին: Մենք նրան ճանաչում ենք որպես Պողոս առաքյալ:

*«Խթանին արքացի տալ» արտահայտությունը նշանակում է ընդառաջ գնալ վտանգին, դեմ գնալ նրան, ով քեզանից ուժեղ է:*



Յուլիա Պրավդինին

ԱՐԼՆՏ 1/21



# ԿՈԿԱ-ԿՈՒԱ

Հայկը շատ էր սիրում կոկա-կոլա: Մի անգամ մայրիկը խանութից եկավ և Հայկի համար մի շիշ նրա սիրելի ըմպելիքից բերեց: Հայկը շատ ուրախացավ: Բայց մայրիկն անմիջապես ասաց.

– Դեռ մի՛ խմիր, այն շատ սառն է, կոկորդո կարող է ցավել: ճաշից հետո կվերցնես:

Դե ահա: Հայկը տխրեց, բայց հնազանդորեն պատասխանեց.

– Լավ, մայրի՛կ:

Սակայն կոկա-կոլայի մասին միտքը Հայկին հանգիստ չէր տալիս: Նա իր սենյակում մի անկյունից մյուսն էր գնում: Ո՛չ վիդեոխաղերը, ո՛չ գրքերը, ո՛չ էլ նույնիսկ «Լեգո» կոնստրուկտորը չէին կարողանում շեղել նրան կոկա-կոլայի մասին մտածելուց:

Չդիմանալով, Հայկը կամացուկ դուրս եկավ սենյակից: Տեսնելով, որ մայրիկը ծաղիկներն է ջրում, Հայկը ոտքի մատների վրա թաթուն գնաց խոհանոց, դարակից վերցրեց կոկա-կոլան և թաթնվեց իր սենյակում: Նա վայրկենապես ամբողջ շիշը խմեց: Հիմա նա գոհ էր:

Մայրիկը նկատեց, որ որդին իրեն չհնազանդվեց, և շատ տխրեց: Երեկոյան Հայկի կոկորդը սկսեց ցավել:



Հայկը շատ էր սիրում կոկա-կոլա: Մի անգամ մայրիկը խանութից եկավ և Հայկի համար մի շիշ նրա սիրելի ըմպելիքից բերեց: Հայկը շատ ուրախացավ: Բայց մայրիկն անմիջապես ասաց.

– Դեռ մի՛ խմիր, այն շատ սառն է, կոկորդո կարող է ցավել: ճաշից հետո կվերցնես:

Դե ահա: Հայկը տխրեց և անմիջապես սկսեց վրդովվել, ասել, որ կոկա-կոլան այնքան էլ սառը չէ, իսկ ինքն ամուր առողջություն ունի: Այդպես նա փնթփնթաց մինչև ճաշ: Սակայն, թեև նա դժգոհ էր, բայց կոկա-կոլային մոտ չգնաց:

Երբ Հայկին վերջապես թույլ տվեցին խմել ըմպելիքը, դա նրան առանձնապես հաճույք չպատճառեց: Տրամադրությունն ընկած էր: Մայրիկը տխրել էր, որ որդին այդքան բարկանում էր: Հայկը մինչև ճաշը չխմեց կոկա-կոլան, բայց դա բոլորի տրամադրությունը փչացրեց, այդ թվում՝ նաև իրենը:



ԱՐՄՈՒՆՔ 1/21



Հայկը շատ էր սիրում կոկա-կոլա: Մի անգամ մայրիկը խանութից եկավ և Հայկի համար մի շիշ նրա սիրելի ըմպելիքից բերեց: Հայկը շատ ուրախացավ: Բայց մայրիկն անմիջապես ասաց.

– Դեռ մի՛ խմիր, այն շատ սառն է, կոկորդո՛ կարող է ցավել: ճաշից հետո կվերցնես:

Դե ահա: Հայկը սկզբում տխրեց, բայց հետո հնազանդորեն պատասխանեց.

– Լավ, մայրի՛կ:

Վերադառնալով իր սենյակ՝ նա շարունակեց կարդալ կետերի մասին հոդվածը: Ա՛յ թե հսկաներ են նրանք: Հայկն այնքան կլանված էր, որ նույնիսկ չնկատեց, թե մինչև ճաշը ժամանակն ինչպես թռավ:

– ճաշը պատրաստ է, – կանչեց մայրիկը Հայկին:

Համեղ ուտելուց հետո Հայկն արտահայտիչ հայացքով նայեց մայրիկին: Նա հասկացավ որդուն առանց բառերի և միայն գլխով պատասխանեց «այո»:

Հայկը ցատկեց տեղից, վերցրեց կոկա-կոլան, բացեց այն և մի կուժ խմեց սիրելի ըմպելիքից:

– Շնորհակալություն, մայրի՛կ, – հիացմունքով ասաց Հայկը:

– Խնդրեմ, – պատասխանեց մայրիկը՝ ժպտով նայելով որդուն:

Պատմությունների ներքևում դի՛ր համապատասխան դեմքերը: Քեզ ո՞րն ավելի շատ դուր եկավ:





# ԿԻՏԻԻ ՄԻՐՈՒՆ ԱՆՆԱՊՆԵՐԸ

Օլեյա Խահակ

Կիտին շատ սիրուն ականջներ ուներ: Նրա ականջները մեծ էին, սրածայր ու մոխրագույն՝ աղվամազերով պատված ծայրերով: Կիտին սիրում էր դրանցով հիանալ՝ հայելուն նայելով:

– Ի՞նչ սիրուն են թո ականջները, – ասում էր նրան մայրիկը՝ թաթով դրանք մաքրելով:

Երբեմն մայրիկը նրա ականջներին գեղեցիկ վարդագույն ժապավեններ էր կապում: Այդ ժամանակ բոլորը հիացմունքով էին նայում Կիտիին: Դա նրան շատ էր դուր գալիս:

Սակայն Կիտիի ականջները միայն գեղեցկության համար էին, որովհետև նա չէր կարողանում դրանք ճիշտ օգտագործել: Նա լսում էր, թե ինչ էին իրեն ասում ծնողները, բայց գրեթե երբեք չէր հնազանդվում նրանց:

Երբ մայրիկն ասում էր. «Չմոռանաս թաթիկներդ լպստել զբոսնելու գնալուց առաջ», Կիտին միշտ մոռանում էր դա անել: Իսկ եթե հայրիկն ասում էր. «Տնից շատ հեռու չգնաս, շուտով անձրև է գալու», Կիտին միշտ հայտնվում էր բակի ամենահեռավոր անկյունում, երբ անձրևի առաջին կաթիլներն ընկնում էին գետնին:

– Դու պիտի հնազանդվես, – ասում էր հայրիկը:

– Օգտագործի՛ր ականջներդ, – հիշեցնում էր մայրիկը:

Բայց Կիտին չէր լսում:

Մի անգամ ցերեկը նա ցանկացավ այգում խաղալ:

– Շատ անանուխ չուտես, – զգուշացրեց մայրիկը՝

մինչ Կիտին դուրս կգար, – փորիկդ կցավի:

– Եվ բակից դուրս չգաս,

– ավելացրեց հայրիկը, – հարևան բակում շուն կա:

– Լա՛վ, – բացականչեց

Կիտին՝ տանից դուրս

փախչելով:







Նա թավալվեց խոտերի մեջ՝ վայելելով արևը: Ապա փորձեց բռնել կողքին թոնոլ մժեղներին: Հետո խաղաց իր խաղալիքներով: Եվ, իհարկե, Կիտին չափազանց շատ անանուխ կերավ: Երբ կշտացավ, նա պառկեց խոտին՝ տաքանալով արևի տակ: «Էլ ինչո՞վ զբաղվեմ», – մտածեց Կիտին:

Հանկարծ նա նկատեց ճանապարհին վազող մկնիկին: «Հապա, փորձեմ նրան բռնել», – մտածեց Կիտին և առաջ նետվեց:

Նա մկնիկի հետևից վազեց այգով մեկ, ծաղկաթմբերի միջով, ծառի շուրջը, հետո նրա հետևից անցավ ցանկապատի անցքի միջով: Կիտին մկնիկի հետևից վազում էր ճանապարհով, եգիպտացորենի դաշտով և նույնիսկ նրա հետևից վազելով անցավ ոչ խորը գետակի վրայի գերանը: Վերջապես մկնիկը թաքնվեց մեծ կարմիր ամբարի չոր խոտի մեջ:

– Ա՛խ, – բարկացած բացականչեց Կիտին, – փախա՛վ:

Նա շրջվեց, որ տուն գնար և հանկարծ հասկացավ, որ բոլորովին չի հիշում տունդարձի ճանապարհը: Նա դեռ երբեք այդքան հեռու չէր գնացել տնից:

«Ո՞ր կողմ թեքվեցի ես, երբ թռա գերանի վրայից, – հարցնում էր նա ինքն իրեն, – ո՞ր կողմում է եգիպտացորենի դաշտը: Եվ ինչո՞ւ է փորիկս այսպես ցավում»:

Կիտին պառկեց մեծ կաղնու ստվերում:

– Մյաո՛ւ, – սկսեց լացել նա, – ի՞նչ ուժեղ է ցավում փորիկս: Չեմ կարողանում շարժվել: Մայրիկի ու հայրիկի մոտ եմ ուզո՞ւմ: Մյաո՛ւ, մյաո՛ւ, մյաո՛ւ...

Հայրիկն ու մայրիկը նրան չլսեցին: Բայց հարևանությամբ ապրող շունը լսեց: Նա վազեց դեպի մեծ կաղնին:

– Հա՛ֆ, – հաչեց նա, տեսնելով Կիտին, և լայն բացեց մեծ ու սուր ատամները:

– Խը՛շ, – պատասխանեց Կիտին և վեր թռավ:

Նրա մեջքի մորթին բիզ-բիզ կանգնեց, իսկ պոչիկը վեր ձգվեց: Վախեցած Կիտին պուկ տվեց գետակի կողմը, շունը՝ նրա հետևից:

«Ախր որտե՞ղ է այդ գերանը», – անդադար փորձում էր գտնել Կիտին:

Նա վազեց ափի երկարությամբ, բայց գերանն այդպես էլ չգտավ:

«Ստիպված եմ լողալ, – մտածեց խեղճ Կիտին, – տանել չեմ կարողանում ջուրը»:

Թաթիկը գետը մտցնելով՝ նա ծամածովեց և իսկույն դուրս հանեց այն: Բայց շունը մոտենում էր: Այդ ժամանակ, աչքերը փակելով, Կիտին նետվեց ջուրը: Նա մի կերպ լողաց ու դուրս եկավ մյուս ափ՝ ցրտից դողալով:

– Զուրը կկանգնեցնի շանը, – ասաց նա՝ վրայից թափ տալով ջուրը:

Սակայն նրան հետապնդող շունը ոչ մի վայրկյան չդանդաղեց, նետվեց ջուրն ու լողաց դեպի Կիտին: Շները, ի տարբերություն կատուների, ջրից բոլորովին չեն վախենում:

Կիտին ցատկեց տեղից և վազեց եգիպտացորենի դաշտով: Նա վազում էր շրջանաձև՝ չիմանալով, թե որ կողմում է իր տունը: Վերջապես նա գտավ ցանկապատը, բայց անցքը, որով դուրս էր եկել բակից, չհասցրեց գտնել: Շունը հաչելով և գոմոալով հասավ նրա հետևից: Այդ ժամանակ Կիտին փորձեց մազլցել ցանկապատի վրա, բայց այն այնքան բարձր էր, որ նրան չհաջողվեց բարձրանալ:





Փրկվելով հետապնդողից՝ Կիտին բարձրացավ ծառը: Այդ մեկը շները չեն կարողանում: Շունը կանգնել էր գետնին ու հաչում էր:

«Դե սհա, – տխրեց Կիտին, – կարծես թե մնացի այստեղ: Ստիպված եմ գիշերել ծառին: Հարկավոր էր լսել մայրիկին ու հայրիկին»:

Լստելով ձյուղին՝ նա սրեց ականջները: Հենց նույն պահին նա լսեց, թե ինչպես են ծնողները իրեն կանչում: Կիտին մագլցեց ավելի վեր և բղավեց.

– Մայրի՛կ, հայրի՛կ: Ես այստե՛ղ եմ, մյառ՛:

Վախեցած ծնողները գոռում էին ցանկապատի մյուս կողմից.

– Ցատկիր ցանկապատի՛ն:

Կիտին լսեց նրանց:

– Ցանկապատի եզրով գնա՛ մինչև ցախանոց, – շարունակում էր հայրիկը:

Կիտին հնազանդվեց:

– Իսկ հիմա ցատկի՛ր գետնին, – բացականչեց մայրիկը:

Եվ Կիտին կրկին հնազանդվեց:

Երբ նրանք բոլորով արդեն տանն էին, մայրիկը Կիտին օգնեց մաքրել մորթին: Հայրիկը նրան տաք կաթ տվեց, որ փորիկն այլևս չցավեր: Հետո ծնողները նրան բացատրեցին, թե ինչու չի կարելի շատ անանուխ ուտել և բակից հեռու գնալ: Այս անգամ Կիտին ուշադրությամբ լսում էր նրանց:

Երեկոյան, երբ մայրիկը Կիտիին խնդրեց լվացվել ընթրիքից առաջ, նա հնազանդորեն լպստեց թաթիկները: Իսկ երբ հայրիկն ասաց, որ քնելու ժամանակն է, Կիտին հնազանդորեն ցատկեց փափուկ բարձի վրա և պատրաստվեց քնելու:

Կիտիի ականջներն արդեն պարզապես շատ սիրուն չէին: Դրանք արդեն կարողանում էին լավ լսել:



# ԼԱԲԻՐԻՆԹՈՍ

Օգնիր Կիտիին տուն հասնել:



Մարիանա Միկիտյուկ

տր. ճեճ 1/21



# ՅՈՒՐԱՆԱՑՈՒՄ ԱՎԱՆՔՆԵՐԸ

Օլգա Մարտինովա

Իսկ դու գիտե՞ս, որ դելֆինները աշխարհին «նայում են» լսողության միջոցով: Նույնիսկ բյուրեղյա մաքրությամբ ջրում տեսողությունը 10-20 մետր է: Այդ պատճառով դելֆինները, որպես ծովերի տերեր, օգտագործում են հատուկ բարձր հաճախականության ազդանշաններ, որպեսզի «տեսնեն»: Դա կոչվում է ուլտրաձայն: Նետված սեղանի թենիսի գնդակի նման ուլտրաձայնը հասնում է օբյեկտին և «հետ է դառնում» դրանից հավաքված տեղեկությամբ: Դա այսպես կոչված արձագանքն է: Դելֆինը վերադարձած ձայնը «որսում է», չես հավատա, բայց ատամներով և դնչի միջոցով փոխանցում է ականջին:



Իսկ դու գիտե՞ս, որ չղջիկները ևս վարպետորեն տիրապետում են ուլտրաձայնին: Նրանց ձայնատեղորոշումն այնքան հստակ է, որ կարող է հետևել թռչող մոծակին: Ամեն վայրկյան չղջիկներն իրենց առջևից ուղարկում են մինչև 60 ուլտրաձայնային ազդանշան: Անհավանական զգայունությունը նրանց թույլ է տալիս շրջանցել ձգած թելը՝ առանց թռիչքի արագությունն իջեցնելու: Սակայն գոյություն ունեն միջատներ (օրինակ՝ թիթեռները), որոնք կարող են չղջիկներից փրկվել սեփական ուլտրաձայնի միջոցով:



Իսկ դու գիտե՞ս, որ բվերի մի ականջը մյուսից մի փոքր վեր է տեղակայված: Նման անհամաչափությունը (ասիմետրիա) բվերին թույլ է տալիս որսալ ձայները բոլոր ուղղություններով: Թռչուններն արտաքին ականջախեցի չունեն, և բվերը բացառություն չեն, այդ պատճառով դրա գործառույթն իրականացնում են գլխի դիմային մասի փետուրները: Այդ փետուրները «հավաքում են» ձայնն ու ուղարկում են այն ականջներ: Բվերը գիշերային որսորդներ են, նրանց հիասքանչ տեսողությանը լրացնում է սուր լսողությունը, ինչը նրանց թույլ է տալիս անսխալորեն կերակուր հայթայթել գիշերվա խավարում:





Իսկ դու գիտե՞ս, որ շան ականջն ունի 18 տարբեր մկաններ: Ձիերի դեպքում դրանք ընդամենը 10-ն են, իսկ մարդու ականջում միայն 3 մկան կա: Դու փորձե՞լ ես շարժել ականջներդ: Դա այդքան էլ հեշտ չէ: Իսկ հիմա հիշի՞ր շնե-րին. նրանց գեղեցիկ ականջները բարձրանում են, թեքվում են և ձկվում: Իսկ կատվի ականջն ունի նույնիսկ 32 մկան: Այդ պատճառով նա կարող է ականջները հետ ու առաջ թեքել և նույնիսկ պտտել դրանք 180 աստիճան:



Իսկ դու գիտե՞ս, որ ձկներին երկար ժամանակ խուլ էին համարում: Այո, նրանց մոտ բացակայում է արտաքին ականջը, ինչը հասկանալի է: Կարո՞ղ ես պատկերացնել պերկես ձկանը՝ գլխին կատվի նման ականջներով, որը լողում է, որպեսզի փրկվի գայլաձկան հետապնդումից: Ձկները չունեն միջին ականջ, որից ունեն ցամաքային կենդանիները: Փոխարենը ունեն ներքին ականջ: Այն միացված է լողափամփուշտին, որը կատարում է թմբկաթաղանթի գործառույթը: Հնում բրամի ձվադրման շրջանում արգելում էին զանգ հնչեցնելը, որովհետև բրամը հատկապես դյուրազգաց է այդ շրջանում և վախենում է նույնիսկ աննշան աղմուկից: Ուրեմն, արդյո՞ք ձկները լսում են: Իհարկե, լսում են, անգամ չկասկածես:



Իսկ դու գիտե՞ս, որ փղերը կարող են որսալ ամպրոպի որոտը 100 կմ հեռավորությունից: Փղերի հսկայական ականջները շատ շարժուն են, և կենդանիներն անընդհատ թափահարում են դրանք: Դա կապված է օրգանիզմի հովացման հետ, ինչպես նաև օգնում է իրենց ցեղակիցների հետ շփման հարցում: Ականջների շարժումներով փղերը և՛ սպառնում են թշնամիներին, և՛ ողջունում են ազգակիցներին: Փղի մեծ ականջները ուղարկում են ձայնային ալիքներ և կարող են որսալ նվազ հաճախականության ձայներ: Դրանց օգնությամբ փղերը «զրուցում են» իրար հետ մեծ հեռավորության վրա:



ԱՄՆԵՑ 1721



# ՔԱՂՄՐԱՐԼԻԹԵ ՈՒՐԱԽՈՒԹՅՈՒՆՆԵՐ

## Բաղադրատոմս

Քեզ հարկավոր է  
150 գր. սերուցքային կարագ  
(փափուկ)  
160 գր. շաքարավազ  
1 ձու  
225 գր. ալյուր  
0.5 տուփ փխրեցուցիչ  
2 պտղունց աղ  
200 գր. շոկոլադի փոքր կտորներ



## Պատրաստման եղանակը

1. Զեռոցը տաքացրո՛ւ՝ 190°: Տապակի մեջ թխելու համար նախատեսված թուղթ դիր, կամ կարագ քսիր թավայի մեջ:
2. Ամանի մեջ խառնի՛ր կարագն ու շաքարավազը՝ մինչև համասեռ զանգված ստացվի:
3. Ամանի մեջ վանիլային շաքա՛ր ավելացրո՛ւ:
4. Ամանի մեջ ավելացրո՛ւ ալյուրը, փխրեցուցիչն ու աղը:
5. Ավելացրո՛ւ շոկոլադե կտորները:
6. ճաշի գդալով վերցրո՛ւ ստացված խմորից մի փոքր, դրանից գնդի՛կ պատրաստիր, դի՛ր տապակի մեջ և պատառաքաղով սեղմի՛ր, որ այն տափակի:
7. Թխվածքը եփի՛ր 8-10 րոպե՝ մինչ այն կողքերից թեթևակի շագանակագույն դառնա:



Բարի  
ախորժակ

Մասուկիդ այն կարծով



# ՍՈՒՐԲ ԾՆՈՒՆԴ

Թամարա Լամբրիանովա

Սուրբ ծննդյան լուռ գիշերում,  
Շուրջը լույսեր են շողշողում,  
Եվ ամեն ցուլք մի նոր սպասում  
Ու խնդություն է պարզևում:

Ինչպես ցնձաց երկինքն այնժամ,  
Երբ Տեր Հիսուսն աշխարհ եկավ,  
Այնպես մենք ենք ցնձում հիմա  
Իր փառավոր Սուրբ ծննդյամբ:

Քանզի գիտենք խորհուրդն օրվա  
Ու նպատակը հաղթական:  
Չէ՞ որ Հիսուս ծնունդ առավ,  
Որ կատարվեր խոստումը թանկ:

Դարեր առաջ մեր Հայր Աստված  
Տեսավ մարդուն Իր արարած,  
Որի սրտում չար սատանան  
Մեղքի սերմ էր զցել հանկարծ:

Ու սերմերն այդ ծիլ տվեցին,  
Սերունդներին փոխանցվեցին.  
Մարդն հեռացավ Հայր Աստծուց  
Ու գլորվեց անդունդն այն խոր:

Բայց ողորմած ու գթառատ,  
Անհուն սիրով հարուստ Աստված  
Չկամեցավ իր ստեղծածին  
Տեսնել նվաստ, մեղքի գերի:

Նա մեկնեց ձեռքն Իր հայրական  
Ու պարզևեց միակ ձամփան,  
Որ տանում է մեզ փրկության,  
Մեր Արարչի հետ հաշտության:

Այդ ուղին է մանուկ Հիսուսն՝  
Աստծո Որդին արդար ու Սուրբ,  
Որ կոչված էր Քրիստոս՝ օծյալ,  
Որպես փրկիչ մեզ խոստացված:

Նա մարդացավ Իր Հոր կամքով,  
Որ դառնար լույս մեզ խավարում,  
Որ մեզ դարձներ գիրկն Հայր Աստծո,  
Հաներ մեղքի անդունդից խոր:

Ու թե այսօր մեր սրտերում  
Դեռ չի ապրում մանուկ Հիսուս,  
Թող ընդունենք Փրկչին օծյալ  
Ու Իր տված կյանքն հավիտյան:





Ես Լենա Մարտիրոսյանն եմ 13 տարեկան, ապրում եմ Արարատ քաղաքում: Ամսագրի մեջ ինձ շատ է դուր եկել՝ ուսուցողական խաղերը, հոգևոր պատմվածքները, խաչքառերը, ոսկեղեն համարները:

Այս մանկական քրիստոնեական ամսագիրը ինձ և եղբորս սովորեցրել է ներել, սիրել, զիջել, համբերել և ավելի շատ հաղորդակցվել Աստծո հետ:


Լենա Մարտիրոսյան 13տ. ք. Արարատ

Թանկագին ընթերցող, դու ունես սիրելի ասվածաղկյան համար: Գրի՛ր մեզ և պատմի՛ր, թե ինչու է այն քիչ դուր գալիս: Մե՛նք ուրախ ենք քի յուրաքանչյուր նամակի համար:



Ի՞նչ պատմություն է նկարագրել մեր ընթերցողը:

Ալյոնա Սավչենկո, 11 տ., ԱՄՆ





«ԼՈՒՅՍ ԱՐԵՎԵԼՔՈՒՄ» Բարեգործական հասարակական կազմակերպություն: Մանկական քրիստոնեական ամսագիր: ԼՈՒՅՍ ԱՐԵՎԵԼՔՈՒՄ Լոյս է տեսնում տարեկան 6 անգամ



Ռուսերեն լեզվով ամսագիրը հրատարակվում է 1990թ.: Այն հրատարակվում է ռուսերեն, ուկրաիներեն, գերմաներեն, դազախերեն, դրոզերեն, բուլղարերեն, ռումիներեն և վրացերեն: 2018թ. - ից՝ նաև հայերեն:

Տպագրվում է կամավոր նվիրատվությունների միջոցով, բաժանվում է անվճար:

Գլխավոր խմբագիր՝ Վաղեմար Յորն

Հայկական ամսագրի գլխավոր խմբագիր՝ Նինա Կոստանյան  
Ամսագրի աշխատակազմ՝ Անահիտ Սարգսյան, Թամարա Լամբրիանովա

Ամսագրին կարող եք բաժանորդագրվել և ուղարկել նամակներ և նյութեր «Արահեստ» ամսագրի խմբագրություն՝ հետևյալ էլ. հասցեով  
E-Mail. arahetarm@yandex.ru  
Հեռ. +374 98 38 51 38

Էջ 6. Լուսանկարը՝ © unsplash.com

Էջ 10-13. © Paul White Productions

Էջ 14-15. © Wycliffe USA, Praying Around the World with Kate and Mack  
ռուսերենից թարգմանեց Թամարա Լամբրիանովան

Էջ 18. © Wycliffe USA, Praying Around the World with Kate and Mack

Էջ 26-27. Լուսանկարը՝ © unsplash.com

Էջ 28. Լուսանկարը՝ © unsplash.com

Ռուսերենից թարգմանեց Թամարա Լամբրիանովան

Համակարգչային ձևավորումը՝ Դավիթ Հարությունյանի

Կազմի լուսանկարը՝ © Yuganov Konstantin / shutterstock.com

Կրտսեր և միջին տարիքի դպրոցական երեխաների համար


Աստվածաշնչյան մեջբերումները վերցված են «ԱՐԱՐԱՏ» և «TBS» թարգմանություններից:

© «Լոյս Արևելքում», 2021թ.

[www.lio.ru/tropinka](http://www.lio.ru/tropinka)



Արթուր Յակովենկո, 7տ., Ուկրաինա



Պոլինա Ումարովա, 10տ.



**Էջ 2.** Հնազանդություն:

**Էջ 7.** Եթե հնազանդվեն ու Նրան ծառայեն, նրանց օրերը բարեկեցությամբ, իսկ տարիներն ուրախությամբ կանցնեն: Հոր 36.11:

**Էջ 18.** Միշտ ուրախ եղեք: Անդադար աղոթեցե՛ք: Ամեն ինչում գոհությո՛ւն մատուցեք, որովհետև սա է Աստծո կամքը ձեզ համար Քրիստոս Հիսուսով: 1 Թես. 5.16-18:

**Էջ 30.** Հորի պատմությունը:

**Էջ 32.** Սուրճ - մուրճ, վառարան - բառարան, տանիք - ժանիք, չամիչ - քամիչ, գանձ - տանձ, փայտ - պայտ:



# ՄԵԿ ՏԱՌԻ

## ՏԱՐԲԵՐՈՒԹՅՈՒՆ

Նկարներն այս լավ նայիր,  
Լինի գազան, միրգ թե իր,  
Թե փոփոխես գեթ մեկ տառ,  
Կստանաս դու մեկ այլ բառ:

Օրինակ՝

մարդ



սարդ

